

Invit all'orientaziun publica davart il project «Center da sport e da temps liber Prau la Selva» In niev capetel per las vischnauncas da Flem, Laax e Falera

Mardis, ils 20 d'uost 2024, allas 19.00 envidan las vischnauncas da Flem, Laax e Falera las votantas ed ils votants interessai ad in'orientaziun publica davart il project Center da sport Prau la Selva.

Nus scrivin in niev capetel per nossas vischnauncas da Flem, Laax e Falera e vulein envidar Vus da far part da quel. Ils 20 d'uost allas 19.00 ha liug in'orientaziun publica per presentar a Vus dapli detagls dil project.

Il Center da sport Prau la Selva ei dapi ils onns 1980 ina destinaziun d'excursiun populara. Ussa sto il center denton vegnir modernisaua urgentamein per satisfar allas pretensiuns dad oz. Tgei finamira havein nus? Nus vulein in center da sport e da temps liber che porscha numerusas activitads per tut las gruppas da vegliadetgna e che sveglia il plascher da semuentar.

Nus dein gronda peisa alla promoziun dalla giuventetgna e schaffin ina purschida multifara che tegn quen da tut ils interess e che cumpeglia ina halla da glatsch renovada, ina halla da curling utilisabla duront igl entir onn, piazzas da tennis, ina halla multifunziunala, in jump parc e skills center per mountainbikes, in parc da skateboard, in teppi per ir cun skis e la pusseivladad da dar padel e far fitness.

Nus essan cunscients che nus stuein dil punct da vesta actual optimar ils cuosts da menaschi per ch'il center seigi rentabels. Grazia alla reuniun cun la Waldhaus Arena ed allas modernisaziuns planisadas eis ei pusseivel da reducir considerablamein las expensas.

Cun il Touring Club Schweiz (TCS) eis ei reussiu a nus da gudignar in co-investur e gestunari professiunal, fidau e dureivel cun in mussament da prestaziun cumprovau. Per saver far diever dallas sinergias existentas cun il campadi cunfinont garantescha il TCS il menaschi dil Center Prau la Selva el rom d'in contract da management. Il TCS ha enconuschentschas fundadas dalla gestiun e dalla commercialisaziun d'indrezs dil temps liber e da loschament ed ei – grazia a siu engaschament d'entochen oz – gia daventaus in partenari fidau dalla destinaziun.

Specialmein a cor stat a nus che schebein la populaziun indigena sco era ils hosps da nossa regiun profiteschien da quei project. Per quei survegn la populaziun indigena ina reducziun da 40% sin ils prezis d'entrada ed ils hosps cun ina carta da hosps 20%. Per certas purschidas ei l'entrada per affons tochen 6 onns schizun gratuita.

Vuleis Vus saver dapli? Lu selegrein nus d'astgar beneventar Vus el rom dall'occorrenza d'informaziun ils 20 d'uost 2024 ell'aula Grava a Laax.

La suprastanza communal